


Katta Maniara Niamko Kingkot Dake Manianima?



Amazing Facts
Poraiani

14



Manderang

ramani chongipa niamko changsa ba changgni pe-na ba uamangni kajina gamna nangnirango "on-titi" to-gina bang-a changon ong-e nikaia, indiba Isol aro Uni niamrangni kam ka-anide namemanchaan dingtanga. Isol an-chingni daka pilakkon nika, an-chingni agana pilakkon knaa, aro Uni niamko an-ching baditana kingking rakkia uani bidingo Ua namen gisiko nanga. An-chingni paprangko Isol kema ka-engon, Uni niamko pe-anina bite dongjawaha inede uani miksangani ong-ja. Aiao inman-pile, mitam Kristianrang, Isolni niamna bamaniara kakket dakani baksa apsana ine agana. Jisuba, na-a Isolna ka-sachong-motgenschimode, Uni agananiko na-a dakgen ine agana. Indide, katta maniaara niamko kingkot dake manianima? Ia Poraiani ko namedake simsake poraina somoio ko ra-bo. Jringjrotni man-gnirangara mikkangchi a-sel ong-naba donga ine u-igenchimoba uko dakna nanganian ong-a!

1

Isol dingtangmancha nang-ko nikmanchaama aro nang-ni gimin u-imanchaama?

"Na-a-angko-nikatgipa-Isol" (**Abachenga 16:13**). "O Jihova, Na-a angko niroke niaha, aro u-iaha. Angni asonga aro angni chakatako Na-a u-ia; chel-ao Na-a angni chanchiako ma-sia. Na-a ... angni pilak ramarangko u-ia. Maina angni sreo katta mingsaba dongja, jeko, nibo O Jihova, Na-a bon-e u-ia" (**Gitrang 139:1-4**). "Na-simangni skoni knirangkoba chantokaha" (**Luk 12:7**).

Aganchakani: Oe. Isol nang-ko aro a-gilsakni mande sakantikon an-chingni an-tangtango u-iana baten u-ia. Ua mande sakantinan gisiko nanga aro an-chingni daka pilakkon nika. Mingsa katta, chanchia, ba kamkoba Una donuna amja.





2

Uni Kattana bamgija saoba Uni songnoko napna man-genma?

“Angko Gitel, Gitel, ingipa pilakan salgini songnoko napna mangan, ia ongja; indiba salgio donggipa Angni Paani namnikako dakgipasa” (Mati 7:21). “Na-a janggio napna skode, ge-etanirangko manibo” (Mati 19:17). “Ua uko manigipa pilakna jringjrotni jokani ong-atgipa ong-baaha” (Ibrirangna 5:9).

Aganchakani: Man-jawa. Iani bidingo Sastro namen rongtala. Janggi jokani aro salgini songnokde Gitelni ge-etanirangna bamgiparangsana ong-a. Bimungna mangmansan bebera-aigipa ba mondolini membor ong-aigipa ba napbolaigipa manderangnade Isol jringjrotni janggiko ku-rachakja, indiba Uni namnikako dakgiparangsana, jekon Sastroo parakachim. Chong-motan, ia katta maniaara Kristochisan mangmang chu-sokgipa ong-na amai (Watatarang 4:12).

*Isolni namnikaniko
Sastrooniko ambo. lasan
mangmang nang-ni
naljokani.*



3

Maina Isol katta manianiko nangnika? Maina iara nangchongmotgipa ong-a?

“Maina janggichina dakanggipa cholguga apchona, ramaba apchangket, aro uko nikgipa bang-ja” (Mati 7:14). “Indiba Angko man-gijagipa an-tangni janggina namgijako daka; Angko mitchigipa pilakan siana ka-sara” (Toe Skianirang 8:36). “Ia pilak niamko dakna, an-chingni Isol Jihovana kenchina Jihova an-chingko ge-etaha, maikai an-chingni namgni pangnan ong-gen, aro da-o ong-a gita, Ua an-chingko tange rakkina man-gen” (Deuteronomy 6:24).

Aganchakani: Maina rama dilsasan Isolni songnokona dila. Pilak ramarang apsan biapona dilja. Sastroan ramako mesokgipa (map) ong-a—ua songnokona tom-tome sokangna man-na gita pilak ge-etanirang, mikrakatanirang, aro u-iatanirang baksa biaprangni bimungranko sechimmonggimin ki-tap ong-a. Larangoni jekoba manigija dakaniara Isoloniko aro Uni songnokoniko an-chingko chel-angata. Ong-telaigipa, namgipa, aro gisiknirango man-chape, Isolni a-gilsak aro salgisakara niam aro ge-etarangoni mingsa ong-a. Ia niamrangoni jekoba pe-anina man-gnirango donsoman-aha. Sastroko on-jagenchimode, manderang dakenianichi aro dakgualanichi, Sastroni ia a-gilsako dongani dal-begipa ja-pangrangko aro kakket ong-aniko, ru-utgijan ba ja-mano ma-sigenchim. Jensalo gelaha, saanirango, satengtoanirango, aro pilak duk ong-anirango uarangni bite ong-skaa. Uni gimin, bite gri an-ching ra-chakna ba ra-chakjana gita Sastroni kattarangara agan skie on-a mangmangsan ong-aia. Uarangni biterangara maiachim uarangkoba Sastro agana aro maikai uarangko gelna man-genchim uarangkoba talata. Nok rikgipani nokko rikanio blueprintrango gale neng-nika gri rikna man-gija gita mande an-tangni skatang gita janggi tange Kristosrak ong-na amja. Iani giminsa Isol nang-ko Rongtalgipa Sastroni blueprintko ja-rikaniko nangnika. Ugita ong-pana uano mamung gipin rama dongja aro, apsan daken, Uni songnoko biapko man-pana kragipa ong-nAbachenga Chong-motgipa kusiona ramramdake uano mamung gipin rama dongja.



4

Katta manigijjaniko maina Isolara dakangkuna on-a? Maina da-on pap aro papihangko nisija?

"Nibo, Gitel An-tangni hajalni hajal
rongtalgiparang baksa, pilakkon bichal ka-na, aro
an-tangtang toromi ong-gijani gimin, jeko uamang
toromi ong-gijako dakaha, aro toromi ong-gijagipa
papihang una ku-atogijako aganahani gimin pilak
toromi ong-gijagiparangni namgijako mesokna
re-bara" (Juda 1:14, 15). "Gitel agana, Anga tanga,
Angna pilakni ja-sku dipangen, aro pilak sre Isolna
ku-rachakgen" (Romrangna 14:11).

Aganchakani: Uni kakket bichal ka-ani, ka-saani
aro ka-sachakaniara bebe ong-chongmota ine sakantian
chu-gimik u-ikuja skalna Isol papko nisijawa. Bon-kame
sakantian iako ma-sigen je Isol, katta maniako dabie,
an-chingni kosako Uni skako chu-sokatna drajaenga,
indiba uni palo an-chingni an-tangtangko saknaataoniko
aro nosto ka-enganikosa champengenga. Isolni
namaniko aro kakketaniko bebero-batsranggijagipa,
rakbatsranggipa papihangni Isolni ka-saaniko u-ikuja
skal aro Uko kakket ong-a ine ku-rachakkujaskalna
papni neng-nikataniko namatna man-jawa. Sakobade,
haida, dal-begipa a-selko chagronganiosa u-iatna
man-aba donga, indiba papko dake janggi tangani
an-skitmanpilgipa papni bitean bon-kamao sakantikon
Isol kakketgipa aro sronggipa ong-a ine u-iatgen.

5

Katta manigijagiparangara nisiatako man-bebegenma?

"Maina Isol pap ka-gimin sa-grerangna
ka-saninggija dake, bichalona rakkina noroko
galone andalbeani a-kolrangona on-aha"
(2 Pitir 2:4). "Namgijako dakgipa pilakkon ua
gimaatgen" (Gitrang 145:20). "Maina Isolko
u-igijagiparang aro an-chingni Gitel Jisuni nama
kattako manigijagiparangna jakbikpilaniko on-e
wal-sareni walo" (2 Thessalonikarangna 1:8).

Aganchakani: Oe. Katta manigijagiparang,
diabol aro uni sa-grerangko man-chape, nisiatako
man-gen. Ian kakketgipa ong-a, maia ong-a
ba ong-jachim iani bidingo an-chingni name
ma-sigijjaniko watgalna ian somoi ong-aha. Ong-a
aro ong-gijani bidingo an-ching an-tangtangni
chanchianio aro u-ianio pangchakna ian naljokani
ong-jaha. Isolni Kattao pangchakanisan mangmang
an-chingni naljokanide ong-aia. (Papko nisiatani
bidingo talbate ma-sibatna Poraiani 11ko aro Jisuni
gnigipa changna re-bapilengani gimin ma-sibatna
Poraiani 8ko nibo.)

*Kristoko ja-rikna basegijagipa
pilakkon uamangni ka-sagipa
pap baksa bon-kame nisiatgen.*

Axxine

6

Na-a Isolko kusi ong-atna skenga, indiba Uni ge-etanirang pilakkon ja-rikna amani ong-ama?

"Bi-bo, unon na-simangna on-gen; am-bo, unon na-simang nikgen" (Mati 7:7). "Bebeni kattako sronge dake ... Isolna an-tangko nama ina man-gipa ine mesokna gisik nangbo" (2 Timothy 2:15).

"Saoba Uni namnikako dakna skode, indide ua skia Isoloni ong-ama, ... iako ua u-igen" (Johan 7:17).

"Andala na-simangko man-jana gita, seng-ako man-mitingon re-rurabo" (Johan 12:35). "Uamang Angni gimin knaarion Angko manigen" (Gitrang 18:44).



Aganchakani: Na-a (1) dilaniko man-na gisiko nange bi-genchimode, (2) bimbiche Isolni Kattako poraigenchimode, aro (3) nang-na mesoka bakan na-a bebeko ja-rikgenchimode, dakgual daksretaoniko nang-ko rakkina aro pilak bebeona nang-ko naljoke dilna Isol ku-rachaka.

7

Uamangni pangnaba ma-sikugijagipa Sastroni bebena banggijanina Isolara manderangko dosi chanama?

"Mikgri ong-enchimode indide na-simangni pap grigenchim; indiba, chinga nikenga ine na-simang da-o agana, indide na-simangni pap dongkua" (Johan 9:41). "Namako dakna u-ie dakgijagipana uan pap ong-a" (Jakob 4:17). "U-iani griani gimin Angni manderang nisiatako man-a; ... na-a Isolni skianiko gualahani gimin, Angaba nang-ni dedrangko gualgen" (Hosea 4:6). "Am-bo, unon na-simang nikgen" (Mati 7:7).

Aganchakani: Na-a Sastroni ua bebeko skie ra-na chol dongjaode, Isol nang-ko uana dosi chanja. Nang-o seng-ani (bebeko u-iani) donganina na-a Isolna daito donga ine Sastro skia. Indiba Uni ka-sachakanina simskagija daknabe! Mitamrang poraina, am-e nina, skie ra-na, aro knana jechaka ba jegala, aro uamang nisiatako man-gen maina uamang "Isolni skianiko gualaha." la namen nangchongmotgipa somoio ostrich baksa kal-grike roaniara signigipa ong-a. Bebeko bimbiche am-na gita ian an-chingni daito ong-a.



8

Indiba Isolde katta maniani bidingo mingprakprak dake mingantikon tale chanjachimba, Ua channama?

"Egypt a-songoni re-ongkatdobagiparangoni ... a-songko nikchongmotjachina; maina uamang Angko chu-soke ja-rikjaha: iade ... Kaleb, aro ... Joshuana agre ong-a; maina uamanga Jihovako ja-riksrangaha" (Chanani 32:11, 12). "Mande pitaarichi tangjawa, indiba Isolni ku-sikoni ong-katgipa pilak kattachi tanggen" (Mati 4:4). "Na-simangna angni ge-etanirangko dakode, na-simang angni ripengrang ong-a" (Johan 15:14).

Aganchakani: Beben—Ua mingprakprakkon channa. Niam Gitchamni Isolni manderang obostarangko chagronganichi ba dakgualanirangchi iani bidingo skia man-aha. Ku-rachagimin A-songna Egypt a-songko watbagiparang namen bang-beachim. Ua doloni, sakgni mangmang, Kaleb aro Joshua, Jihovako kimkime ja-rikaha, aro uamangan Kanaano napeaha. Gipinrang bakraon sitokaha. Jisu agana an-ching Sastroni "pilak kattachi" tangna nanga. Uano ge-eta mingsaba dugaani ba komiani dongja. Uarang pilakan nangchongmotgiparang ong-toka!



9

Jensalo mande gitalgipa bebeko ma-siahaon, uko ra-chakna skang pilak neng-nikanirang ba champenganirangko ra-galkujaskal ua sengna nangama?

"Andala na-simangko man-jana gita, seng-ako man-mitingon re-rurabo" (Johan 12:35). "Nang-ni ge-etanirangko manina anga babbakaha, aro ru-utatjaha" (Gitrang 119:60). "Uni songnok aro toromko am-chengbo, unon ia pilakkon na-simangna on-dapgen" (Mati 6:33).



Aganchakani: Sengna nangja. Changsao na-a Sastroni bebeko name ma-siahaode, senge dongchana pangnaba nama ong-jaha. Namjawa ine ma-sieba ja-manchakataniara namen kenbegnigipa ja-ga ong-a. Sengchae donganio mamungba saknaani gri gita nika, indiba Sastro skianiko on-a je seng-ani kosako mande babbakan kamko dakja ong-ode, ua ta-raken andalaona pil-anga. Katta manianio champenganirang an-chingni chadengdike sengchaanio ra-galaniko man-ja; batesa, uarang dal-batroroa. Mande Isolna agana, "Ramako obo, anga re-mikkanggen." Indiba Isolni ramade namen bikpilgipasa ong-a. Ua agana, "Re-mikkangbo, Anga ramako ogen."

10

Indiba mande jatna chu-soksrange katta manina amsokani ong-ama?

"Isolna pilakan amani ong-a" (Mati 19:26).
 "Angko Bilakatgipao anga pilakkon dakna ama" (Philippirangna 4:13). "An-chingko pangnan Kristoo chee rimanggipa, ... Isolna mitelani ong-china" (2 Korinthisrangna 2:14). "Ango dongkamgipa, aro jeo Anga dongkama, uan bang-en bite nanga; maina Angna agre na-simang mamungkoba dakna amja" (Johan 15:5). "Na-simang namnikpagipa aro banggipa ong-ode, a-songni namako na-simang cha-gen" (Isaia 1:19).



Aganchakani: An-chingoni darangba an-tangtangni bilchi katta manina amjawa, indiba Kristochi an-ching amgen aro amna nangchongmota. Satan, Isolni mol-molaniko orto gri ong-atna ine katta manianiara amsokgijani ong-a ine tol-aha.

11

Skatang gita katta manigijjaniko dakangkugipa mandena mai ong-gen?

"Maina bebeko u-ianiko ra-manoo; an-ching skatang papko dakrongode, indide papni gimin boli dongjajok; indiba bichalna maiba kenbea sengsoani, aro bobilrangko cha-nasigipa miknengani wa-al" (Ibbrirangna 10:26, 27).
 "Na-simangni gisepo on-tisana mangmang seng-a dongkua. Andala na-simangko man-jana gita, seng-ako man-mitingon re-rurabo; andalao re-ruragipa baona re-a uko ua u-ija" (Johan 12:35).

Aganchakani: Sastro jajaanina mamung biapko on-ja. Aganchakanide name chanchina nanggipa ong-a, indiba kakketgipa. Jensalo mande ma-sitelen seng-aniko jegala aro katta manigijjaniko dakangkua ong-ode, ua seng-ani ka-sine sianga, aro ua mandeko andalsrangaona watanga. Mande jean bebeko jegalachim tol-anian kakketgipa ine bebera-china "branganiko chu-sokatgipako" man-skaa (2 Thessalonikarangna 2:11). Jensalo indake ong-ahaon, ua gima.





12

Katta manianina bate ka-saani nangchongmotbatjama?

“Jisu una aganchake inaha, Saoba Angna ka-saode, ua Angni kattako manigen ... Angna ka-sagijagipa Angni kattarangko manija” (Johan 14:23, 24). “Ian Isolna ka-sara, chong-motan Uni ge-etanirangko mania; aro uni ge-etanirang jrimja” (1 Johan 5:3).

Aganchakani: Mamungdakeba ong-ja! Sastro an-chingna namedaken skia je Isolna kakketgipa ka-saanide katta maniani gride pangnaba ong-jawa. Ba Isolna ka-saani aro de-mitela gride mande kakketgipa katta manianiko dakna man-jawa. Darang bi-saba an-tangni ma-a paana ka-saani gri uamangna chu-gimik katta manina man-jawa, ba katta manijaode an-tangni ma-a paana ka-saaniko ua mesokna man-jawa. Kakketgipa ka-saani aro katta maniania ekgrikatna man-gija bimango dakhape atchigipa sakgni bi-sarang (conjoined twins) gita ong-a. Jensalo ekgrikataha, uarang sia.

13

Indiba Kristoo jakgitelaniara an-chingko katta maniaoniko naljokatjama?

“Angni kattao ... na-simang dongode, ... na-simang bebekon u-igen, aro bebean na-simangko jakgitel ong-atgen ... Pap ka-gipa sakantian papni nokkol ong-a” (Johan 8:31, 32, 34). “Isolko mitelchina, maina na-simang papni nokkolrangchim, indiba je skiani mesokanina na-simangko on-aha, uko ka-tongonin maniaha; aro paponi jakgitel ong-aniko man-enba, toromni nokkolrang ong-aha” (Romrangna 6:17, 18). “Indaken Nang-ni niamko anga pangnan manigen, jringjrotona kingking. Aro anga jakgitel ong-ako man-e re-ruragen; maina Nang-ni ge-ete donarangko anga am-aha” (Gitrang 119:44, 45).



Aganchakani: Naljokatja.

Chong-motgipa jakgitelani ortode “paponi” (Romrangna 6:18), ba katta manigijaoni jakgitelaniisa ong-a, jean Isolni niamko pe-ani ong-achim (1 Johan 3:4). Uni gimin, chong-motgipa jakgitelanide katta maniaoni mangmangonisan re-baa. A-songni manderang jemangan katta maniachim uamang jakgitelgipa ong-a. Katta manigijagiparangkode rim-a aro uamang uamangni jakgitelaniko gimaata. Katta

maniani gri jakgitel ong-aniaa tol-gipa jakgitelanisa ong-a—uan jajaaniona aro bilding bildang ong-aniona dilanga. Chong-motgipa Kristian jakgitel ong-ani ortode katta manigijaode jakgitelanisa ong-a. Katta manigijaniara pangnan mandeskako saknaata aro mandeko diabolni ka-namgijagipa nokkol ong-aniona dilanga.

14

Maikoba Isol nangnikenga ine anga ma-sion, Ua uko maina nangnikengachim uko anga ma-sijagenchimoba angara katta manina nanggenma?

"Jihovani ku-rangko manibo, anga nang-ko mol-mola; indake nang-na namgen, aro nang-ni janggi tanggen" (Jeremia 38:20). "Ka-tongtangna ka-donggipa gisik seng-gijagipa ong-a"

(Toe Skianirang 28:26). "Mandeo ka-dongana bate Jihovao katnapara nambata" (Gitrang 118:8).

"Maina a-ana bate salgirang chubata gita, na-simangni re-anirangna bate Angni re-anirang, aro na-simangni chanchianirangna bate Angni chanchianirang chubata" (Isaia 55:9). "Uni bichalrang mairongpile chanchisokgijani, aro Uni ramarang sandina amgijani ong-a! Maina sawa Gitelni gisikko u-iaha?"

(Romrangna 11:33, 34). "Anga uamangni u-igija ramarango uamangko re-dilgen" (Isaia 42:16). "Na-a angna janggini ramako mesokgen" (Gitrang 16:11).



Aganchakani: Jajrengchakani gri! An-chingoniko maikoba nangnikna gita Uni chu-onggipa seng-anina an-ching Isolo ka-dongchakgiparang ong-na nanga, jekon an-ching ma-sijana donga. Uamangni ge-etanirango namedake rongtaljagenchimomangba namgipa bi-sarangde uamangni ma-a paarangna katta mania. Ka-dongchakgipa bebera-aniko baseani aro Isolo pangchakanian, Ua an-chingko pangnaba ong-gija ramako re-diljawa aro an-chingna maia nambatgipa ong-achim uko Ua ma-sia ine bebera-atgen. Pilak Uni chanchiani bilni ja-pangko an-ching chu-gimik ma-sijagenchimoba Isolni re-dilaniko an-chingni jegalanichi, ka-dongchakgijaniara goka ong-ani ong-a.


15

Pilak katta manigijani janggiloara sawamancha donga, aro maina?

"Pap ka-gipa diaboloni ong-a; maina diabol chengonin pap ka-ronga ... lanon Isolni dedrang aro diabolni dedrangko parape-a; toRomrangna kamko ka-gijagipa pilakan Isoloni ong-ja" (1 Johan 3:8, 10). "Satan ... a-gilsak gimikko brang-atgipa" (Parape-a 12:9).

Aganchakani: Diabol bil gnanggipa ong-a. Pilak katta manigijaniara pap aro ua pap kusi grianiko, dukniko, Isoloni chel-ataniko, aro ka-sine nosto ka-aniko ra-baa ine ua ma-sia. Uni ka-onangrakanio, ua sakantikong katta manigijaniona dilna jotton ka-a.

Na-a uano bak man-paaha. Na-a kakketko mikkangchakna nanggen aro baseaniko dakna nanggen. Katta manigija gimabo, ba ong-jaode Kristoko ra-chake katta manibo aro jokataniko man-bo. Katta maniani bidingo baseaniko dakanian Kristoni bidingo baseani ong-a. Na-a Uko bebeoni ekatna man-jawa, maina Ua indine agana, "Angan ... bebe" (Johan 14:6). "Na-simang sako manigen da-alo an-tangtangna sebo" (Joshua 24:15).



*Nang-ni
Isolna katta
manigijaniko
diabol nangnika
maina ua
nang-ko nidika
aro nang-ko
gimaatna ska.*

16

Isolni dedrangna Sastro maia aiao inmangipa rasongko ku-rachaka?

**“Na-simango nama kamko a-bachenggipa Jisu
Kristoni salona kingking uko chu-sokatgen”
(Philippirangna 1:6).**

Aganchakani: Isolna Rasong! An-chingko gital atchitaianiona
ra-bana Uni aiao inmangipa kamko ka-a gitan, Uni songnokona
an-chingko naljokatjkuskal Ua an-chingni janggi tanganio
(an-chingni Uko katchae ja-rikanio) nangenggipa aiao inmangipa
kamrangko ka-angkugen.



17

Da-alo na-ara chu-gimik Jisuna ka-sae katta manianiko aro Uko ja-rikaniko a-bachengna skengama?

Nang-ni Aganchakani:



Nang·ni Sing·anirangna Aganchakaha

1. An-tangtango jokgimin ine chanchigipa jeba gimana man-aigenma?

Aganchakani: Oe! **Mati 7:21-23** iani bidingo rongtale talataniko daka je Kristoni bimungo katchinika dakgiparang, korerangko a-rikgiparang, aro gipin gipin aiao inangipa kamrangko ka-giparang bang-aan gimagen. “Salgio donggipa Angni Paani namnikako” dakjahani gimin uamang gimagen ine Kristo agana (pod 21). Jemangan Isolna katta manina jechakachim tol-napaniko bebero-e bon-chongdikgen (**2 Thessalonikarangna 2:11, 12**), uni giminsa, uamang gimaengon, an-tangtango jokgiminrang ine chanchia.

2. Je manderangan kakketket dakachim, indiba ong-gijako dakengon uamang ong-akon dakenga ine chanchibebeachim, uandakgiparangna mai ong-gen?

Aganchakani: Uni chong-motgipa ramaona Ua uamangko okamgen, aro Uni kakketgipa mesrangde Uni ku-rangko knachakgen aro ja-rikgen ine Jisu agana (**Johan 10:16, 27**).

3. Kakketket dakgipa aro bimchipgipa ong-aniara chu-ongjama?

Aganchakani: Chu-ongja! An-ching ong-gipa ramao ong-na gitaba nanga. WatatarangPaulba uni dingtanggipa ong-na skang jensalo Kristianrangko a-rik sanalengon kakketket dakgipa aro bimchipgipa ong-achim, indiba ua ong-gijakosa dakaha (**Watatarang 22:3, 4; 26:9-11**).

4. Seng-aniko man-gijagipa manderangna mai ong-gen?

Aganchakani: Pilakan adita seng-aniko man-aha ine Sastro agana. Uan chong-motgipa seng-ani ong-achim jekon a-gilsako atchigipa sakantinan on-aha (**Johan 1:9**). Man-gipa seng-aniko uamangni ja-rikani kri sakantikon bichal ka-gen. **Romrangna 2:14, 15** ni gitade, bebero-gijagipa manderangmangba adita seng-ani donga aro niamko ja-riktoka.

5. Isol katta manianiko nangnikenga ine namedake ma-sina Uo chinko bi-na mandena naljokani ong-ama?

Aganchakani: Uan naljokani ong-ja. Jisu agana, “Namgijagipa aro tilekgipa chasong chinko am-a” (**Mati 12:39**). Je manderangan Sastroni ramram ong-e skianirangko ra-jachakjawachim, uamang chirangko mesokoba bebero-jawa. Jisuni agana gita, “Mose aro katchinikgiparangko knachakjaode, indide sigiminrangoni saksas tangchapiloba uamang skiako ra-chakjawa” (**Luk 16:31**).

6. Ibrirangna 10:26, 27 o seaniara mande u-iani ja-mano gisiko sikmanchae mingsa mangmang papko dakahaon, ua gimagen ine ong-ama?

Aganchakani: Ong-ja. Undakgipa papko jeba ku-rachake kema ka-aniko man-gen. Sastro iano changsa mangmang pap ka-taianiko aganjaenga—indiba dakronga gita papko dakangkuaniko aro ma-sibatani ja-mano Kristona pakwatna jechakanikosa aganenga. Uandakgipa kamrang Gisik Rongtalgipako duk ong-ata (**Ephesurangna 4:30**) aro “goka ong-pile” (**Ephesurangna 4:19**) aro gimakujaona kingking mandeni ka-tong



rakbatata. Sastro agana, "Gangbinge dakanirangoniko
Nang-ni nokkolko salba salrikbo; angni kosako uarangko gitel
dakna on-nabe: unode anga sronggipa ong-gen, aro niam
pe-a dal-gipaoni anga rongtalgen" (**Gitrang 19:13**).

Nang.ni agananiko ba sing.anirangko iano sebo



01



02



03



04



05



06



07



08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangtgen aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljakatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraiani 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Manderang jemangan iako dakachim uamang jokatako man-gen. (1)

Kristoni bimungo korerangko a-rika
Kristona ka-saa ine a-kanggiparang
Gitelko ra-chaka aro katta mania

2. Ka-mao sulsul segiminrangoni badia minggittamrang angna chu-gimik bebeko u-ina dakchakgen? (3)

Angni psychiatristo (gisikni doctor) sing-bo.
Seng-anina Isolo bi-bo.
Angni mondolio dilgipani agananiko dakbo.
Giljao on-nanirangko on-bo.
An-tangko sasti on-bo.
Nambata skia poraniko man-bo.
Isoloniko chinko bi-bo.
Sastroko poraibo.
Da-alo jekon anga ma-siachim ua bebeko ja-rikbo.

3. Isol angko iani gimin aganchakaniko dabigen (1)

Angni mondolio dilgipani agananirangko dakani bidingo.
Angni ma-a paani ja-kuko ja-rikani bidingo.
Ango gnanggipa aro man-na amgipa seng-ani bidingo.

4. Jensalo anga gitalgipa bebeko u-ina Abachengahaon, anga (1)

Uko simsakgija galchangna nanggen.
Uko ra-chakchina angko gisik nangataona sengna nanggen.
Uko changsanon ra-chake ja-rikna nanggen.

5. Gitelni ge-etanirangna chu-gimik katta manianira (1)

Jedakeba uko dakna amani ong-ja.
Niamko rake ja-rikani aro diaboloni ong-a.
Kristochisan mangmang dakna amani ong-a.

6. Gisiko sikbee katta maniani (1)

Andalaona aro jringjirotna nisigniona dila.
Mondolio bimchipe kam ka-giparangna mamungba ong-ja.
Anga dingtangna jechakgenchimode Isolchi nikchangako man-gen.

7. Gitelna kakketket ka-saaniara (1)

Katta maniana bate nambata.
Katta manianiko ramram ong-ata.
Angko Una kusi ong-e katta maniata.

8. Chong-motgipa Kristian jakgitelani ortoara (1)

Pilakon angni ska gita dakchina angna bilko on-ani ine ong-a.
Isolna katta maniatgijagipa bil ine ong-a.
Katta manigijaoni aro diabolni nokkol ong-aoni jakgitelatgipa ine ong-a.

9. Jensalo bebeni bidingo namen talahaoba angko uana katta manianiko Isol maina nangnikengachim uko ma-sijaengon, anga (1)

Uko name ma-sichengaona sengna nanggen.
Ua bebeko jegalna nanggen.
Uko ra-chake Isolni Kattana katta manina nanggen.

10. Pilak katta manigijanirangna sawamancha daitoo ong-a? (1)

Government.

Angni ma-a paa, jemangan angko dilsretaha.

Diabol.

11. Katta manianikora maina nanga? (1)

Maina angna bate Isolan dal-bata aro anga Una kena.

Isolko ka-onangatja.

Maina anga Isolna ka-saa aro Kristianni dawkawal gita Uni ge-etanirangko ja-rikna ska.

12. Katta manigijagiparangko Isolara da-o maina nisijaenga? (1)

Uko dakna gita Ua kena.

Namgijani dal-oroaniko Ua katchae nienga.

Uni ka-saako aro bichalko pilakni chu-gimik ra-chakaniko Ua sengenga.

13. Uko ra-chakgipa aro ja-rikgiparangna Jisu gitalgipa atchitaiani mangmangkosan on-ja, indiba Uni songnoko naljokujaona kingking uamangni janggi tanganio nangenggipa aiao inmangipa kamrangkoba Ua ka-angkua ine ma-sianio nang-na katchaaniko ra-baama?

Oe, ra-baa.

Ra-baja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :		State :		Country :
Pin :		Bilsil :		Misi :

Nang.ni contact info-ko tik dake on.bo